

Te Pipiwharauoa, He Kupu Whakamarama.

Nama 19.

GISBORNE.

Hepetema 1899.

TE PIPIWHARAUOA.

We would advise all our distributors and agents not to give away copies of Te Pipiwharauoa broadcast, like tracts, but to endeavour to obtain regular subscribers among the natives in their districts. Maoris, like any other people, will appreciate more what costs them something. We are confident the paper can make its own way among the Maoris, and can pay for itself. Te Pipiwharauoa is gaining very strongly both in financial support and in popularity.

Kei te peheatia ra o matou hoa nga kape maha o 'Te Pipi' e tukua atu ana ki a ratou? Kua rawa e pangaia tetahi kape kotahi, engari me hoatu ki te tangata, me te tono atu kia tango tuturu i te pepa. Ehara i te mea ma te reo kauwhau anake e uru ai te maramatanga ki te ngakau o te tangata; uru ake te maramatanga ki te ngakau i te reo haangu o te pukapuka. E kore etahi tangata e whakarongo ki te kauwhau, otira tera pea e korero i te kauwhau a te nupepa. E kore matou e tuku tonu atu i te pepa ki nga tangata kaore e hamumu mai nga waha, nga pakete.

I te apiti ki "Etahi Tamariki Maori" kaore a Retimana Poramati i te Tari o te Hupiri-mi Kooti; kei te Tari ia o te Kooti Whenua Maori. Tena koutou e te iwi. Ka tukua atu ano tatou mokai ki ona marae tangi haere ai, "Kui! Kui! Whitiwhitiora!"

Reweti T. Mokena Kohere.

TE HAHÍ MOMONA.

I taku korero tuatahi i ahu aku kupu mo runga i te whakahe a te Momona mo te kohi-kohi. Na ratou te whakahe me te whakapehapeha, heoi taku ko te whakaatu i te tika o te Hahi e tawangia nei, e raupatungia nei e ratou. Ehara i te mea maku e tika ai te Hahi engari ma tona tika ano. Ehara ahau i te

minita, i te pihopa, heoi ano he kohugahunga kau, a kaore hoki au i te mea ko ahau te mangai o te Hahi o Ingarangi. Kaore aku biahia ki te tautohē engari he hoha i nga mahi whakapehapeha, i nga mahi tawai a te Momona. Kua kite ahau i tetahi korero roa, i roto i 'Te Tiupiri' na tetahi tangata no Ngapuhi, ko Wiremu Heremaia te ingoa, he whakanui nana i te Hahi Momona. Kei te whai pea ia kia tahuri nga kai-korero o 'Te Tiupiri' ki te Momona. E tuhi ana ahau ki nga tangata kei te titakataka nga whakaaro hei whakatau i o ratou ngakau. Whakaarohia e hoa ma te wehi o te Momona ki te kauwhau ki a ratou na pakeha a te kore hoki e aro atu o te pakeha ki te karakia Momona. Mehemea kei a ratou te rongopai o te orange, he aha te take i kore ai ratou e kaha ki te whakaora i nga wairua o nga pakeha o tenei koroni, a i tonoa ai e ruua ano ki te kauwhau ki te 700,000 pakeha, a i toru tekau rawa ai ki a tatou Maori ruarua nei? E nga Momona, he aha te take?

Ki te ki a Wiremu Heremaia he iriiri hou te rumaki, na te Momona pea i kite. Ki taku whakaaro hcoi ano nga mea hou o te Hahi Momona ko te Pukapuka a Moromona, me te moe tokomaha i te wahine. Ko te ngahuru o te wahine, he tikanga pai ki nga tangata e hiahia ana kia maha a ratou wahine, otira kua kua e etahi mimita Momona pakeha kua whakakahoretia taua tikanga i to ratou hahi. Ka mutu hoki! Ka hoki ake ano aku kupu mo te iriiri rumaki. Ehara tenei tikanga i te mea hou, ehara i nga Momona. Ko enei hahi i te ao he rumaki ta ratou iriiri: ko te Baptist, Plymouth Brethren, me te Hahi o Ingarangi — ae, me te Hahi o Ingarangi! No muri noa nei te Momona, kua rumaki noa atu enei hahi katoa, a kei te rumaki i enei ra. He korero hou tenei ki te Momona, ki etahi Maori hoki. Ko te Maori anake kei te kuare ko te Momona anake te hahi rumaki. E ruua nga tikanga iriiri a te Hahi o Ingarangi, ko te tauhihi, me te rumaki. Tirohia "Te tikanga